

## ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՀԵՌԱԳԻՐԸ՝ ՀԵՆՐԻԿ ԽԱԶԱՏՐՅԱՆԻ ՍՊԱՆՈՒԹՅԱՆ ԱՌԻԹՈՎ

Նորին Սուրբ Օծություն Ամենայն Հայոց Գարեգին Ա Կաթողիկոսը՝ տեղեկանալով ՀՀ գլխավոր դատախազ Հենրիկ Խաչատրյանի օգոստոսի 6-ին տեղի ունեցած սպանության մասին, Նյու Յորքից հեռագիր է հղել Հայաստանի Հանրապետության նախագահ Ռոբերտ Քոչարյանին:

Վեճափառ Հայրապետը դատապարտելով կատարված սպանությունը, իր ցավակցությունն է հայտնում Հանրապետության նախագահին, կառավարությանը և հանգուցյալ դատախազի ընտանիքի անդամներին: Հեռագրում մասնավորապես ասվում է.

*«Մեծ. Տիար Ռոբերտ Քոչարյան,*

*վսեմաշուք Նախագահ Հայաստանի Հանրապետության,*

*Սրտի խոր վշտով իմացանք ցավալի լուրը Հայաստանի Հանրապետության Գլխավոր Դատախազ՝ Հենրիկ Խաչատրյանի անարգ սպանության:*

*Դատապարտում ենք վատ արարքը և կոչ ենք անում, որ ոչ մի ուրիշ մեծան արարք չփորձվի մեր Մայր Հայրենիքում: Դա անվայել է և անհարազատ Հայ ժողովրդի արժանապատվության և բարոյական ցկարագրին ու վարկին:*

*Աղոթում ենք առ Աստված, որ նրա հոգին ընդունի իր երկնային խաղաղության մեջ: Հենրիկ Խաչատրյանի վաստակը միշտ հարգանքով ու երախտիքով կհիշվի Հանրապետության ամրացման պատմության մեջ:*

*Մեր սրտազգաց ցավակցություններն ենք հղում Զեզ, մեր հայրենի կառավարության և հանգուցյալ՝ Հենրիկի տիկնոջ և ընտանիքի բոլոր անդամներին:*

*Վշտակցական սիրով և աղոթքով*

**ԳԱՐԵԳԻՆ Ա**

**ԿԱԹՈՂԻԿՈՍ ԱՄԵՆԱՅՆ ՀԱՅՈՑ»**